



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Spes & Fiducia, Cuius Iudicisqve Dei, Erga Homines In Hac  
Vita Existentes, Firmata**

**Stengel, Georg**

**[S.l.], 1645**

§. 3. Ex clementia Dei, bonitas illius agnoscitur, nostra excitatur.

[urn:nbn:de:hbz:466:1-49823](https://nbn-resolving.org/urn:nbn:de:hbz:466:1-49823)



finitam illius excellentiam, qui, quia in se optimus est, est etiam alijs summè bonus, bonitate, vt vocant, *respectiva*. Hac omnibus creaturis se communicat, sed intelligentiâ præditis, modo insuper peculiari; nempe sub vltimi finis ratione, ad quem vt nos dirigat perducâtque, donis cumulat, & ijs, quibus nos, tanquam causa efficiens naturalis, conseruans, prouidensque regit; & per quæ efficimur *diuina consortes natura*, vt dixit, quem S. Dionysius *Theologorum decus supremum & antiquissimum columen* nominauit. Inter hæc dona autem, sunt variæ virtutes, quas nos vult (etiam indignis benefaciendo) docere.

S. Dionysius cap. 3. diuin. nom.

§. III.

*Ex clementia Dei, bonitas illius agnoscitur, nostra excitatur.*

Prima est, vt hanc ipsam bonitatem, in Deo agnoscamus & credamus. Nam, vt Clemens Alexandrinus dixit: *bona facere, est Dei natura, vt ignis calefacere, & lucis illuminare*. Sic multorum natura, aut malitia potius velut in naturam versa, est *mala facere*, omnes accusare, omnes calumniari, omnes offendere, instar echini, vbicunque eum tangas, aculeati; immò instar *decem cornua* Apoc. 13.

Clem. Alex. 1. Strom. c. 8.

Z 3

haben= 3:



In Pimā-  
dro c. 4.  
Plotin.  
Ennead.  
6.1.7.c.22.

*habentium* diabolorum. Secunda caussa est, vt sciamus, vnde & nos boni fieri possimus, atque ita in spem erigamur. Nam, vt vel Hermes tradidit, Deus est *bonum bona faciens, bonum efficiens*: vel, vt Plotinus docet, *Deus est bonum, cetera bona, vt amari possint, quasi colorans, & hoc ipso amabilia reddens*. Apelles te bonum pictorem; Praxiteles bonum sculptorem, aut statuarium; Galenus bonum medicum; Deus bonum hominem, faciet, vt nōris, à quo magistro discere debeas pietatem. Tertia caussa est, vt homo, se, cum diuina gratia, bonitatis illius capacem faciat. Siquidem, vt ex mente Platonis Alcinous loquitur, *Deus bonus est, quoniam in omnia, pro cuiusq; facultate, sua beneficia, confert, cum omnis boni caussa sit*. Vt ergo minus vasculum minus balsami capit, & in maiore plus potest comprehendi; sic diuina bonitas in eos se se copiosius effundit, qui sinum magis dilatant. Audi Saluatorem: **Luc. 7. 47.** *Remittuntur ei peccata multa, quoniam dilexit multum*. Vbi D. Gregorius ait: *Tanto ergo amplius peccati rubigo consumitur, quanto peccatoris cor magno charitatis igne concrematur*. Nam vtique qui ex amore Dei magis dolet, se Deum offendisse, venia se reddit digno-



digniore, capacioremque fit maioris gratiæ  
diuinæ infundendæ. Sic oleum stetit, cum 4. Reg. 4.  
vas non superesset; quod tam diu fluxit, s.  
quàm diu filij matri suæ oleum infundenti  
vasa offerre potuerunt.

§. IV.

*Clementia Dei docet nos etiam in-  
gratos esse beneficos.*

Quarta causa est, ne nos à benefaciendo  
excusemus, dicentes, litus frustra arari, &  
nequicquam in saxis seminari: esse enim ho-  
mines quosdam, sicut ficum aridam, sicut  
terram sterilem, inutiles, ingratos, immò  
qui tanquam militares illi Leopardi, bene-  
ficijs peiores fiant. Quis actum libenter a-  
git? quis Aethiopem lauare, aut laterem  
conatur? Hæc omnia refutat diuina boni-  
tas, quæ quos redemisset, nisi etiam pro ini-  
micis suis voluisset Dei Filium, in cruce, im-  
molari? Philo, qui Hebræorum Plato dictus  
est, in hunc modum differit: *Benignus cum  
sit Deus, largitur bona omnibus etiam imper-  
fectis, inuitans eos, ut æmulatores virtutis, atq;  
participes fiant, ostentansq; immensas suas diui-  
tias, quòd sufficiant etiam ijs, qui non magnam  
utilitatem inde capiunt. Hoc autem alijs rebus  
declarat manifestissimè; quoties enim pluit in*

Matth. 5.  
45.

Philo. l. i.  
allegor.